

涵芬樓古今文鈔

呂景端
書藏

酒樓古今文鈔

卷一

涵芬樓古今文鈔卷三十九目錄

奏議類

劄子二

上殿論御臣劄子

司馬光

乞省覽農民封事劄子

司馬光

論皇城司巡察親事官劄子

司馬光

言郭昭選劄子

司馬光

乞改求諫詔書劄子

司馬光

論李定劄子

司馬光

論館職劄子

王安石

本朝百年無事劄子

王安石

論封椿劄子

范祖禹

邇英留對劄子 范祖禹

第二劄子 范祖禹

論邊將隱匿敗亡憲司體量不實劄子 蘇軾

述災沴論賞罰及修河事繳進歐陽修議狀劄子 蘇軾

乞郡劄子 蘇軾

乞免五穀力勝稅錢劄子 蘇軾

乞校正陸贄奏議上進劄子 蘇軾

上殿劄子 程顥

請修學校尊師儒取士劄子 程顥

論經筵劄子 程頤

再論分別邪正劄子 蘇轍

自福州召判太常寺上殿劄子 曾鞏

論防江利害劄子 葉夢得

論責李綱劄子 鄧肅

論功賞劄子 鄧肅

論三衙軍制劄子 洪邁

輪對劄子 王十朋

論史浩劄子 王十朋

上殿劄子 王十朋

辛丑延和奏劄二 朱熹

甲寅行宮便殿奏劄二 朱熹

輪對直前奏事劄子 陳傅良

直前奏劄 真德秀

直前奏劄 真德秀

召除禮侍上殿奏劄 真德秀

論人才聚散劄子 牟子才

陛辭奏定國論別人才回天怒圖民怨劄子 魏了翁

輪對第一劄子 陳宓

延和殿奏劄 蔡杭

進書劄子 夏之蓉

輪進經史劄子 齊召南

啓

奉答勅示七夕詩啓 任昉

爲卞彬謝修卞忠貞墓啓 任昉

上世祖啓 蕭嶷

陳時政啓 蕭子良

賤

賀正旦賤 夾谷之奇

賀千秋賤 楊文郁

賀千秋賤 袁桷

賀正旦賤 虞集

對

賢良對 鼂錯

禁民挾弓弩對 吾丘壽王

化民有道對 東方朔

郊事對 董仲舒

廟殿火災對 董仲舒

白麟奇木對 終軍

海苑樓古今文錄 卷三十九
議封禪對兒寬

聞樂對劉勝

請以賜金買田宅對疏廣

雨雹對蕭望之

罷珠厓對賈捐之

遣將行邊對王嘉

災異對李尋

東平王求子史對王鳳

災異對谷永

緩討高麗對房元齡

對利害三事陳子昂

三陣對員半千

問小雅周之衰 蘇軾

問君子能補過 蘇軾

問大夫無遂事 蘇軾

捐徭役止盜賊對 蕭罕嘉努

答詔問攻戰守備措置綏懷之方 李綱

擬田叔燒梁王獄對 羅虞臣

對用刑說 管同

涵芬樓古今文鈔卷三十九

侯官吳曾祺纂錄

奏議類

劄子二

上殿論御臣劄子

司馬光

臣聞致治之道無他。在三而已。一曰任官。二曰信賞。三曰必罰。康誥稱文王之德曰。庸庸。祇祇。威威。顯民。言用其可用。祇其可祇。刑其可刑也。臣竊見國家所以御羣臣之道。累日月以進秩。循資塗而授任。苟日月積久。則不擇其人之賢愚而實高位。資塗相值。則不問其人之能否而居重職。夫人之材性。各有所宜。而官之職業。各有所守。自古得賢之盛。莫如唐虞之際。然稷降播種。益主山林。垂爲共工。龍作納言。契敷五教。皋陶明刑。伯夷主禮。后夔典樂。皆各守一官。終身不易。苟使之更迭來。易地而守。未必能盡善也。今以羣臣之材。固非八人之比。乃使之遍居

八人之官。遠者三年。近者數月。輒已易去。而望職事之修。功業之成。必不可得也。非特如是而已。設有勤恪之臣。悉心致力以治其職。羣情未洽。績效未著。在上者疑之。同列者嫉之。在下者怨之。當是時。朝廷或以衆言而罰之。則勤恪者無不解體矣。姦邪之臣。銜奇以疑衆。養交以市譽。居官未久。聲聞四達。蓄患積弊。以遺後人。當是之時。朝廷或以衆言而賞之。則姦邪者無不仕進矣。所以然者。其失在於國家采名不采實。誅文不誅意。夫以名行賞。則天下飾名以求功。以文行罰。天下巧文以逃罪。如是則爲善者未必賞。爲惡者未必誅。陛下誠能博選在位之士。使有德行者掌教化。有文學者待顧問。有政術者爲守長。有勇略者爲將帥。明於禮者典禮。明於法者主法。下至醫卜百工。皆度材而授任。量能而施職。有功則增秩加賞。而勿徙其官。無功則降黜廢棄。而更求能者。有罪則流竄刑誅。而勿加寬貸。如是而朝廷不尊。萬事不治。百姓不安。四夷不服。臣請伏面欺之誅。凡臣所言。皆陛下耳所厭聞。心所素知。然致治之要。無以易此。知之非艱。行之惟艱。願陛下力

行何如爾。

乞省覽農民封事劄子

司馬光

臣伏觀近降農民訴疾苦實封奏狀王嗇等一百五十道。除所訴重複外。俱已簽帖進入。竊惟四民之中。惟農最苦。農夫寒耕熱耘。霑體塗足。戴星而作。戴星而息。蠶婦育蠶治繭。績麻紡緯。縷縷而積之。寸寸而成之。其勤極矣。而又水旱霜雹蝗。蚤間爲之災。幸而收成。則公私之債。交爭互奪。穀未離場。帛未下機。已非已有矣。農夫蠶婦。所食者糠粃而不足。所衣者綈褐而不完。直以世服田畝。不知捨此之外。更有可生之路。故其子弟游市井者。食甘服美。目覩盛麗。則不復肯歸南畝矣。至使世俗俳諧。共以農爲嗤鄙。誠可哀也。又況聚斂之臣。於租稅之外。巧取百端。以邀功賞。青苗則強散重斂。給陳納新。免役則刻剝窮民。收養浮食。保甲則勞於非業之作。保馬則困於無益之費。可不念哉。夫農蠶者。天下衣食之原。人之所仰以生也。是以聖王重之。臣不敢遠引前古。竊惟太宗皇帝嘗游金明池。召田婦數

十人於殿上。賜席使坐。問以民間疾苦。田婦愚戇。無所隱避。賜帛遣之。太宗興於側微。民間事固無不知。所以然者。恐富貴而忘之也。故每臨朝。無一日不言及稼穡。真宗皇帝乳母秦國夫人劉氏。本農家也。喜言農家之事。真宗皇帝自幼聞之。故爲開封尹。以善政著聞。及踐大位。咸平景德之治。爲有宋隆平之極。景德農田勅。至今稱爲精當。昔周公相成王。作無逸曰。先知稼穡之艱難。乃逸。則知小民之依。蓋以一孟之飯。一尺之帛。莫不出於艱難。人主既知之。則不肯用之於無益。散之於無功。驕侈之心。無自而生矣。伏惟太皇太后陛下。深居九重。皇帝陛下。富於春秋。自非今者濬發德音。大開言路。使畎畝之民。皆得上封事。則此曹疾苦。何繇有萬分之一。得達於天聽哉。其文辭鄙俚。語言叢雜。皆身受實患。直貢其誠。不可忽也。伏望太皇太后陛下。與皇帝陛下。同賜省覽。庶以開廣聰明。資益聖性。於民間情僞。靡不周知。異日太平之業。繇此爲始矣。取進止。

臣等伏聞皇城司親事官奏報。有百姓殺人。私用財物休和。事下開封府推鞠。皆無事實。欲勾元初巡警人照勘。其皇城司庇護不肯交付。臣等竊以祖宗開基之始。人心未安。恐有大姦陰謀無狀。所以躬自選擇左右親信之人。使之周流民間。密行伺警。當是之時。萬一有挾私誣枉者。則斧鉞隨之。是以此屬皆知畏懼。莫敢爲非。今海內承平。已踰百年。上下安固。人無異望。世變風移。宜有釐革。而因循舊貫。更成大弊。乃至帝室姻親。諸司倉庫。悉委此屬。廉其過失。廣作威福。公受貨賂。所愛則雖有大惡。掩而不問。所憎則舉動語言。皆見掎撫。臣等常病國家擇天下賢才。以爲公卿百官。而猶不可信。顧任此厮役小人。以爲耳目。豈足恃哉。今乃妄執平民。加之死罪。使人幽繫囹圄。橫罹楚毒。幸而不自誣服。僅能辨明。若更不聽有司詰問。元初巡警之人。少加懲戒。臣恐此屬無復畏憚。愈加恣橫。使京師吏民無所措其手足。此豈合祖宗之意哉。伏望朝廷指揮皇城司。令送元初巡警人下開封府。推問本情。或別有仇嫌。或警訪鹵莽。各隨其狀。依法施行。仍自今後。永爲

定制。庶可以塞欺罔之源。絕侵冤之門。以全國家至公之道。取進止。

言郭昭選劄子

司馬光

臣竊聞陛下曩時直省官郭昭選等四人。近有特旨。并除閣門祇候。衆言籍籍。頗謂僥忝。國初草創。天步尙艱。故祖宗卽位之始。必拔擢左右之人。以爲腹心羽翼。豈以爲永世之法哉。乃遭時不得已而然也。自後嗣君守陳平之業。繼聖考之位。亮陰未言之間。有司因循。踵爲故事。凡東宮僚吏。一概超遷。謂之隨龍。以此昭選之徒。得自廝役。直除班行。其爲幸已多矣。乃敢妄有攀援。邀求無已。曾不自省。有何功勳。小人之心。終無厭極。不可縱也。且閣門祇候。祖宗所以蓄養賢才。以待任使之地也。其班序差遣。事事不同。譬諸文臣。則館閣之流也。豈可使廝役之人爲之哉。況東宮其餘吏卒甚衆。苟一人得之。則皆有冀望之心。此書所謂啟寵納侮者也。陛下旣承大統。則率土之濱。誰不爲臣。而獨私於東宮之人。則所與親者至狹矣。臣昨除御史中丞。初上殿之日。首以官人賞罰爲言。誠以三者致治之本。自

上世以來。不易之道也。今昭選等以賤隸而叨美職。是官不擇人也。無橫草之勞。而數月之間。恩命相繼。是無功受賞也。姦慝明著。如高居簡等。尙保而庇之。是有罪不罰也。陛下始初清明。方勵精求治。而乃輕其官爵。慢其賞罰。如此。將以興太平之功。猶適楚而北轅也。今臣所以區區進言者。但爲陛下惜此而已。所有昭選等新除閣門祇候。乞賜追寢。

乞改求諫詔書劄子

司馬光

臣先於三月三十日上言。乞下詔書。廣開言路。今到京蒙降中使。以五月五日詔書。賜臣看閱。臣狂瞽妄言。曲荷采納。豈獨微臣之幸。抑亦天下之幸。然臣伏讀詔書。其間有愚心未安者。不敢不冒萬死極竭以聞。竊見詔書始末之言。固盡善矣。中間有云。若乃陰有所懷。犯非其分。或扇搖機事之重。或迎合已行之令。上則觀望朝廷之意。以徼幸希進。下則銜惑流俗之情。以干取虛譽。審出於此。苟不懲艾。必能亂俗害治。然則黜罰之行。是亦不得已也。臣聞明主推心以待其下。而無所

疑忌。忠臣竭誠以事其上。而無所畏避。故情無不通。言無不盡。今詔書求諫。而逆以六事防之。臣以爲人臣惟不上言。上言則皆可以六事罪之矣。其所言或於羣臣有所褒貶。則可以謂之陰有所懷。本職之外。微有所涉。則可以謂之犯非其分。陳國家安危大計。則可以謂之扇搖機事之重。或與朝旨暗合。則可以謂之迎合已行之令。言新法之不便當改。則可以謂之觀望朝廷之意。言民間之愁苦可閔。則可以謂之銜惑流俗之情。然則天下之事。無復可言者矣。是詔書始於求諫。而終於拒諫也。臣恐天下之士。益箝口結舌。非國家之福也。又止令御史臺出勝朝堂。自非趨朝之人。莫之得見。所詢者狹。伏望聖明於詔書中刪去中間一節。如臣三月三十日所奏。頒布天下。使天下之人。曉然知陛下務在求諫。無拒諫之心。各盡所懷。不憂黜罰。如此。則中外之事。遠近之情。如指諸掌矣。取進止。

論李定劄子

司馬光

臣竊見近者朝廷除秀州推官李定爲監察御史裏行。知制誥李大臨蘇頌等累